



玄素子集

共十七冊

内閣文庫			
番號	漢	17003	
冊數		17	( 4 )
函號	函	26	1





玄素藝苑集卷之五

七徵

金我夫人冠切雲之岌業衣佩玕其翩躩冲虚澹泊  
以通微渾淳浩盍而朋天授鴻寶于六符昭麟紀于  
八挺爾乃栖黃扉聯碧台倚玫瑰繚壑陔葯房闢荃  
壁開綺疏縈紆素椽髹鬣敞天宇于醉白之堂拂星  
華于草玄之臺玄素子策渠黃之駟抗招搖之旃盍  
化游以神往儵偃蹇而連蜷躡幽真之所廬撫盤石  
以迴旋問曰至人炳靈機而含章乎物象君子達元  
命而葆真乎灝光是故以言乎節者存乎介以言乎

烈者存乎剛以言乎澤者存乎裕以言乎德者存乎  
虛虛以涵裕裕以持剛剛以守介石之時義博矣哉  
茲乃超鏡機之決漭探潛虛之混沌躡闕丘之垠墉  
彰玄休之埒精屏狗華之說鈴就逸俗之真忱可乎  
丈人曰可可廼言曰維蜀都之玉壘應井絡之璇光  
墓頤象耳虎鬚魚腹嶒岷硯硯超忽突兀而金鳩玉  
蟾青羊白鶴障乎其東蹲黝猊而驅黔熊赤厓朱堤  
絳雲紫霄蚴蟻硃硃軒輕嶠嶠而迎祥養秀貫珠飛  
練環乎其西縱金馬而橫碧鷄迤邐于南則三峽七  
盤九疊六崑白猿青鳥谷嬰林嘯時往來下上而縈  
纏乎其間蜿蜒于北則馬巒獅岫蠶陵蝮穴猥媼驅  
媪吞霞吐月或糾紫魚然而眩眩于其側乃若繁陽  
碣儀而崛起麗元硯礪而中羅勢屈縮而殿金鰲光  
鬱郁而于銀河硯礪礪礪洪控豁訝發六英于濯錦  
鍊五色于浣花范張昭景于碧精淵雲颺采于瑤華  
茲蓋地之脉氣以上通于天也凝而形也為三巴之  
巖險暢而靈也為百代之英賢丈人隱奎章于豹谷  
斟斗氣于龍田將縣飛閣枕謙山架幽巖引蒙泉爰  
優游以忘年爾乎丈人曰達士大觀而無我君子兼  
蓄以同人跡滯則泥心通則神此固我邦之佳麗匪

觀化之遐矩也玄素子曰予楚人也樸慤不文顛蒙  
無知繫嘗浮三湘歷九疑登祝融之故墟曳華蓋之  
飛裾見石鼓礮磕輪困離竒石廩團而天柱孤既而  
遵鄭洧涉梁洛凌高丘之嶙峋眺首陽之岵嶸見石  
室頽沍礪砢崢嶸錦屏峙而霞標明爾迺弭節丹崖  
解珮翠寒馳玄思于日觀舒清嘯于雲壇徂徠梁甫  
嶰巖噴岌若拱而檐若撐而冠若魁魁之負若蝓蝓  
之丸爾乃引睇京邑留睨雍輔莽太白其葱蒨繇少  
華于子午商洛空同噉噉岫嘍或兀兀以獨立或離  
離以偶伍或僂僂以從雲妃或偃偃以趨天姥茲蓋

天之造設以效法于地也為九土之鎮取象于人也  
為四岳之官丈人馭西浦之白螭翔東壁之彩鸞將  
建萬厦俯晴巒開九畹執若蘭爰咲咏以考槃爾乎  
丈人曰致遠以寧靜為箴保大以簡易為規迺虛為  
癖飛遁乃離此亦吾子之曠適恐驚馳之可思也玄  
素子曰火敦之源黃河出焉燦星流以翕張割電奔  
以洸洋雪山巉嶮以臨陵蘭谷緯辟以當陽乘槎弗  
能究其源沉壁罔克固其防迺若龍門之砥柱儵控  
驂以服驤其為石也砒砒礧礧砢砢磊砢天吳九首  
而翫翻燭陰八臂而徂徠是故薦諸明堂以鎮黃樞

以麗青瑣塞山之窟丹水出焉花赤莖而四照木紋  
實而五纈絳液滲漉而茗華紺粟碌礫而水屑精衛  
歛翼于欽鴟巨靈迷罔于列缺乃若帝臺之文學式  
蟻光而蟄烈其為石也碑礫礫礫沁潤瑋瑋陸吾虎  
喙而司時英招鳥翮而握符是故躋諸清廟以絡瑤  
簾以綴金鳧丈人投玄膠以澄波飫丹粒以服精屹  
砥柱以瀾迴懷文學以天呈將啓玲瓏乎八窓望蔚  
藍之五城爾乎丈人曰外游者求備于物內觀者取  
足于身慎動則吉審幾則明蓋譎詭乃知白之術汗  
漫非行素之誠也玄素子曰玄圃之京碧壺之郊飛

仙所宮化人所巢五芝蔚藂而秀林八桂旖旎而干  
霄虬綏爛熳于霜峪麟輪迢遶于虹橋赤鼎沸而坎  
離合黃茅茁而天地交乃有晶宮巖巖貝闕輝煌重  
題隱霧複牖迎潢彤雲斐疊而承宇鏡潭婣映而抱  
堂爾乃剖游譎亨翔鯨調鯨脾披鱗膏剖蜃珧剝鮫  
綃宣六璫于鳳徽洞八瑯于鸞簫挹菜枝以沆瀣扳  
鞞構以逍遙崦璞羅而陰壑霰岷珍發而陽巖森丈  
人駐旆無封之宇迴鑣何有之鄉倥佗蘆箠于瑛盤  
容成漂玉于葆觴將歌黃竹以噓喀據碧梧而彷徨  
爾乎丈人曰窈窕無垠以萬物為芻狗榮或靡定以

兩間爲蘧廬宅神于冥合氣于無蓋明性者之所深  
怪語道者之所大恐也玄素子曰形地爲石象夫爲  
星精稜相盪感召斯明若乃天棊天槍天欖天精道  
怪肯而莫即天廩天庾天弁天籥揚慶芒而畢呈儼  
離宮于華蓋緲閣道于鈎陳東井西奎龍角蟠拿而  
虎參蹕躍南箕北斗龜躔森密而鶉味噲吮七襄次  
而軒轅轉八魁順而鈇鎖平左樞右樞法宇儀其宣  
布上丞少丞則表著其端凝輿鬼隱而長庚弗越老  
人出而歲德隨明羽林旄頭屏妖氛于北塞靈臺豐  
璧迓淑氣於南閔炫聯珠乎五帝之座捧臯寶於四

輔之庭彩暈成雲九宮順紀青雲于呂三精聚辰丈  
人秉國之鈞懋世之庸媧石大補天之業虞淵孤洗  
日之忠將冒玄渾游紫宮以觀心而蹇躬爾乎丈人  
曰言天徵人乃漢臣所以靖獻談空遺世乃晉祚所  
以陸況况燕實非耀德之占而宋鷁豈昭治之禎子  
言廣矣宜更思之玄素子曰紫閣凝暉于炎室玄宮  
協象于楚丘陰蚪眉簷而連蜷陽馬承阿而颺颺靈  
微化鵠而欲騫崇基漸鴻而自周堂綠野而長春亭  
翠微而高秋士茁夕而興嗟張老落而致謳爰有獨  
樂之園高觀之谷新月在山明霞半屋竒章之興可

尋平原之釀方熟爾乃捫紫瓊橫綠綺谿霏合林飈  
起扣銅魚之鏗鏗叱木羊其緝緝托景響于流洲愉  
神情于栗里或踞磐而孤咏或倚屏而長吟或掃莓  
而寄逸或揮藻而流音堅幽人履坦之操契君子比  
德之心丈人符降嵩之祥弘禪泰之勲儼猷于宣和  
祗命于承明將築榆社蔭槐亭以紹休而含精爾乎  
丈人曰識物化者寓意而不留知天道者成功而不  
居况土怪為脂夜之孽而木妖非晝錦之娛子言微  
矣願終教之玄素子曰於戲噫嘻我知之矣家相以  
社稷為重輕大人以乾坤為動靜苟豐德之允成庶  
隆化之可企是故遇巷而納牖者通神之樞壯頌而  
良輔者啓聖之萌建標而豎極者博大之力砥言而  
確行者純粹之精起滷而平乳者斷金之劑鏟苞而  
剔蘖者切玉之劍是故納軌以敦龐迂衡以穆雍其  
德也崇焉馮河以濟否涉川以治蠱其業也宏焉握  
籌以消憂推轂以定疑其澤也充焉禮媒以蒐賢化  
罔以育英其德也容焉是故德崇則體乾業宏則廣  
坤澤充則衍父德容則敦臨是以揭穹倪布壤維昭  
旂常載敦彛休蝼蛄虻虺鯤鮪蚰飛蠕動靡知其至電  
歟霆焱罔紀其極昔說作礪石而上以遜敏其君旦



懸嘉石而下以惇裕其民先得乎文人齋心之意而  
邈焉不可與幾也爾矣玄素子言未既丈人脩脩然  
有所思侗侗然若有所得而不自知廼歌曰春日兮  
載陽芳樹葳蕤兮繞堂翕沕敷以希夷兮樂吾齋以  
相羊玄素子復歌曰鳳紀衍兮未央審龍德兮方將  
澹容與兮煌煌介融朗兮無疆

問水

問水集者集大司馬劉松石公治河之績也疇集之  
水部楊啓東南集之也集之也何好問則裕也曷爲  
裕焉乎爾歲甲午河徙于南魚臺單沛瀦爲鉅浸值  
旱魃爲虐諸泉告竭龍蛇走陸旅人號咷漕渠阻艱  
岌岌乎爾

天子軫憂元元懼軍國廣需弗給且匱也乃命慎選  
大僚僉謨既諧乃特起公子宅憂公釋服就道始也  
西循于豫于睢于亳宋視諸河流浩浩乎爾胡可引  
也罔弗躬也既也東遵于曹于濮于洸沂視諸泉源  
脊脊乎爾胡可濬也罔弗躬也又其既也遭廻趨起  
于汶陽于濟陰于泗上乃訊諸父老諏諸多士籲諸  
神祇皇皇乎爾胡可理也罔弗躬也已乃謀諸心若  
有獲焉乃馳疏以聞

天子葵之命公綜轄諸省發卒數萬人以往公祇若  
休命惟允芟諸河澆操畚揭懸圭臬豫經制運矩畫  
創器用董章程均輸後撫勞瘁黜庸惰周餼廩藥殘  
創淤則疏也湮則導也漬則隄也溢則洩也齧則鑿  
也牐廢則舉也壤息則平也埽壘則堅也金鍵則固  
也柳植則翳也無何諸泉虜沸以播于湖諸湖汪濊  
以達于渠諸川波濊以滙于河諸河翕受以利于漕  
厥用底績

天子聞而嘉之乃晉公為右司空時北虜孔熾羽檄  
旁午乃庸增厥秩為左司馬統制三秦東土悲歌我  
公西歸曷維其已爰懷好音內史氏嘆曰於乎河之  
為患振古于茲禹疏九道若厥性焉已爾固未有若  
祈免厥害兼資厥利若漕議焉者也乃若漢築宣房  
祇沉壁馬宋作斗門徒紆餽餉元創會同尚需海運  
利一害百紛紛乎爾惟

明受天純佑河祇貢圖惟

文皇鼎遷朔易轉漕于南乃命宋司空禮肇厥河防  
嗣是決沙灣徐武功續厥戎功又嗣是決安平劉忠  
宣卒厥丕業迄今百六十餘年河又大決公靈承光  
烈蹇蹇匪躬亦惟資為國利弗為民害行所無事已

爾茲編也予于禮神諸音見格幽之誠焉于經國諸  
疏見事上之忠焉于均役諸法見澤下之仁焉于諭  
吏諸約見齊衆之禮焉于治水諸式見拯溺之智焉  
于論事諸條見按艱之才焉是故誠基忠也忠孚仁  
也仁叙禮也禮達智也智運才也有茲六者為政于  
天下無難矣豈惟水哉豈惟水哉

國寶

國寶新編者編

國朝弘治以來諸名家之文也命曰寶者何惟賢為  
國之寶而席珍焉者也曰新編者何自空同而下八  
桂而上凡十三人存舊也編之者何大中永東橋公  
也內史氏曰予讀斯編未嘗不三復永嘆也夫太上  
立德其次立功其次立言帝者絕德非忘德也夫人  
而難為德也時則有同德之臣浚明亮采贊典颺謨  
厥文渾渾爾其諸乾寶之協運者乎王者絕功非忘  
功也夫人而難為功也時則有同功之臣燮理寅亮  
宣訓陳誥厥文噩噩爾其諸坤寶之協符者乎聖者  
絕學非忘學也夫人而難為學也時則有同志之士  
傳心翊道昭往晰來厥文穆穆爾其諸人寶之協策  
者乎是故協運則德斯象乾矣協符則業斯象坤矣

協策則言斯範世矣故曰蘊而為德行發而為文章  
舉而措之為事業所以人天地而一之者也萬世之  
寶也乃若子長更生屹為漢雋疇與仲舒之醇退之  
子厚蔚為唐宗疇與文中之簡永叔子瞻雅為宋望  
疇與茂叔伯子之正惟醇近德惟正近功惟簡近學  
君子有取焉我

明啓運上追隆古故洪武建文間若景濂之凝道希  
古之正學厥德足徵也永樂宣德間若文貞之宏博  
文清之寧靜厥功足徵也成化弘治間若文正之清  
脩文恪之沉鬱厥言足徵也乃浚川後渠又才力振

古而空同太復寔羽翼之諸子相繼俎豆庭軒笙簧  
廊廟浸浸乎盛矣東橋公麗澤惟勤強立不返衆負  
氣廣之以德衆矜能崇之以功衆尚華敦之以實是  
故群芳凋落歲寒獨存列曜潛暉曙星猶炳此東橋  
公所以珍於數子者豈直曰空言云爾將德魏帝弼  
功擬王勳國家之寶連城爾矣書有之惟周公克慎  
厥始惟君陳克和厥中惟公克成厥終予讀斯編未  
嘗不三復永嘆也

昭勳

今上十有五祀顯忠遂良剗囂祛越丕昭神武覃彰

隆勳時楚寧鄉寇戎薩作大中丞東魯翟公馳疏以聞

上命若曰咨爾撫臣式茲南土頑民干紀肆罹厥咎爾其總若師往靖毋翫寇毋黷武毋恣匪彛毋虐不辜惟大猷是經爾惟欽哉中丞受命再拜稽首以告諸平蠻將軍新寧譚伯綸對曰折衝死綏將帥職也敢不惟命是祇以告諸巡按御史茲谿沈君一定對曰糾紆肅度御史職也敢不惟命是祇以告諸布政使易侯瓚按察使張侯鉞咸對曰督餉裕用揚威貞紀方伯憲長職也敢不惟命是祇僉謨既諧中丞嘆

曰嗟乎有苗昏迷不恭厥責在予予其敢弗綏乃謂參議恩僉事素曰汝咸事茲土其往撫母後自四月已丑越五月壬戌載諭弗聽中丞又嘆曰嗟乎穀乃甲冑鍛乃戈矛厥責在汝衆汝其敢弗躬予不汝宥乃又謂參議恩僉事素曰汝弗贊命予不敢私其往征母縱自五月癸亥越六月甲申載征弗靖中丞乃又嘆曰嗟乎庸蜀羗髻微盧彭濮以夷攻夷振古如茲矧若土兵世秉忠順匪藉茲武曷其能戡乃七月乙卯宣慰使彭宗舜以兵從中丞乃謂副使崔桐僉事王瀾曰汝其禁戢勿違若令于時都司潘璵暨僉

事素率厥有衆宗舜次于龍山宗舜之族九齡次于龍田越六日巳未九齡追至于烟竹崗斬首百級俘者倍之癸亥宗舜又追至于衡陽之三崗斬首數百級俘者又倍之辛巳寧鄉平中丞乃又嘆曰嗟乎殲厥渠魁脅從弗治凡茲有衆其勿孥戮乃謂僉事周在曰紀厥功次汝其勿讓是役也獲醜則三百八十有奇獻馘則三百一十有奇俘獲則二百有奇中丞乃又嘆曰臣罔以寵利居成功予小子其敢貪天之功乃又馳疏以聞

天子嘉之乃崇厥秩以寵異之大將軍則增歲祿御史而下頒賞有差內史道南覩茲成績紀諸國史乃繫之辭曰繫昔先王肇開楚域祝融經野鬻熊樹德時有方叔克壯其猶伐彼蠻荆沉毅鮮傳時有召虎來宣維翰征彼江漢顯允惟斷自姬以降迨漢相承牙孽滋熾亂雄糾紛猥猱五溪伏波懋烈震耀壺頭厥名斯赫天吳九淵武穆揚靈廓清洞庭厥威如霆世禩眇繇風教殊軌代有聞人大啓爾宇惟明統天惟

皇作聖雲翔郢鄂星輝翼軫乃歲丙申南土弗寧爰命中丞徹翳屏氛中丞受命自

天子所三事靡監臣躬何有乃月甲午率彼湘沙露  
檄旁午月羽交加中丞蒞止

皇靈丕翊長子帥師丈人用律中丞奮只士氣益昌  
豹幢彪炳熊軾焜煌屹屹衡山嶽靈滋振牙璋日華  
玉壘颺迅湯湯湘水川祇克從鯤鯨弗釋鯨鯢是封  
爰有宣使深入其阻赤眉革面綠林授首爰有憲臣  
綜覈乃庸淮西靡並川東罔崇乃奏膚功

天子嘉悅乃紀旂常乃錫鈇鉞雲臺列爵麟閣昭勲  
曰爾忠亮為國重臣東魯之英南土是式以邊蠻方  
以佐戎辟惟大將軍歲祿有增惟名御史邦紀允徵  
惟茲方岳惟茲連帥匪頒有差若周大賚

奎章寶典萬國具瞻璧月珠星七澤眇繇曰惟中丞  
不顯亦世內史作銘以告來裔

楚城

今上履極十有六祀圖惟南楚為

龍飛舊邸疇咨廷議特召大中丞東橋顧公于金陵  
保釐茲土楚之若大夫若士若民咸舉手加額竊相  
慶幸有大造于楚爾矣夏四月公入楚風聲是樹憲  
紀丕振乃詢諸父老蒐幽闡微乃飭諸群吏莫麗陳  
教庶務畢集彞典咸秩已而周覽形勝徙倚城隅乃

登高冠巖嶂增岷林霏密而流泉清嘆曰茲非我  
皇祖駐蹕于斯爰授江夏侯之畧以建龍城者乎乃  
瞰大江飛濤浩渺天吳伏而淵靈翔嘆曰茲非我  
皇祖大啓爾宇爰錫 楚昭王之封以緜燕翼者乎  
而乃今百雉繚繞甃甍剝落九門闐闐譙櫓頽圯予  
視茲土惻然于懷申畫郊圻慎固封守予其敢後乃  
謀諸元侯新寧譚公暨巡視桂史衡水楊公贊之益  
力乃告諸布政使徐侯乾韓侯士英暨諸藩臣咸曰  
雅有之价人維藩大師維垣若受命分藩垣之弗固  
藩之恥也敢不視藩乃告諸按察使吳侯允祿暨諸  
臬臣咸曰易有之王公設險以守其國若受命分臬  
險之弗增臬之憂也敢不視臬乃告諸都指揮李侯  
經暨諸閫臣咸曰風有之赳赳武夫公侯干城若受  
命分閫城之弗固閫之咎也敢不視閫僉謨既諧大  
役斯肇乃召庶卜諏茲辰日昃人揲策筮氏測兆罔  
弗協厥吉乃召庶府峙厥糗粳野廬委積稍人丘乘  
罔弗豐厥餼乃召庶尹董茲章程鄙師襄畫鄣長懸  
約罔弗裨厥猷乃召庶司度茲險隘封人辨域遂人  
脈土罔弗奏厥能於是乎柞人伐卉薙氏芟草抹之  
隄隄築之登登無息壤矣邕人鑿石工師鳩木是斷



是度是尋是尺無棄材矣土圭置藜土均賤矩野度以步涂度以軌無窳器矣司險登陴司寤啓鍵中五之一三九之一無踰制矣是歲秋八月公南巡越明年夏五月公復旋楚而城告成乃易竹籥曰文昌草埠曰武勝小東曰忠孝新南曰中和大東曰賓陽而保安望山平湖漢陽則仍厥舊是役也昉于吳之赤烏唐之牛僧孺宋之李堯俞而茲焉綜理厥成者則同知武昌府事蔣君芝也厥大夫若曰昔者衛文公城楚丘曰定之方中作于楚宮以言乎天時也楚上應翼軫朱鳥式章丹火式躔我公相時斯作序則不愆揆日斯成事則不悖其得天時矣乎厥士若曰昔者申伯城謝曰我圖爾居莫如南土以言乎地利也楚自赤帝啓土祝融開宇慶甲俗原我公仰瞻鵠阜綿亘萬壑俯枕夏浦吞吐百川其得地利矣乎厥民若曰昔者仲山甫城齊曰賦政于外四方爰發以言乎人和也楚自鬻熊傳世苑土斯錫民社斯存我公以勞定國開誠布公以勤恤民推仁澤物其得人和矣乎元侯新寧公聞之乃述以告內史氏史南作而曰於乎若公者非所謂社稷臣與夫言天時者存乎誠言地利者存乎真言人和者存乎忠是故文公秉

心塞淵誠矣而時值多難申伯柔惠且直真矣而出  
自戚畹山甫夙夜匪懈忠矣而未免保身若公者憂  
國而不有其身歷試而不以為難屢折而不屈其志  
側微而不階于勢矧

聖明召用惟專簡注尤切公秉誠以遇蒼宣貞以納  
牖而懷忠于復隍是故上符天時下獲地利中協人  
和謂社稷臣非與乃繫之辭曰粵稽古聖則乾象坤  
天津雲漢地險丘陵茫茫楚野爰奠南紀翼軫星華  
江漢川委於惟赤帝產于烈山赫胥御宇祝融命官  
迨姬鬻熊肇有茹土世秉圭璧繩其祖武傳至羸劉  
封建郡縣鄂渚昨茅夏汭開甸肆于孫吳遷都武昌  
赤烏纂曆永初拓置晉季南轅陶凱節鎮羽檄旁午  
從容底定唐制節度創覽為城金沙迴繞石鏡亭滌  
宋值偏安元遭庶孽不有君子其何能國我

明啓祚穹壤廓清城崇衡嶽隍浚洞庭昉命周侯九  
門是闢東望高冠西瞻大別百六十年風雨侵凌石  
泐基齧削屢馮馮中丞受命自

天子所明明其德桓桓其武顧茲形勝衆心成城庶  
民攻之百堵皆興中丞蒞止薄言觀者蛟龍翔雲虎  
兕狎野錫以嘉名雉觀穹隆璿題納月黻構宛虹緬

思周邦築城伊域曰奠分陝曰旦卜洛畢公忠亮保  
釐東郊畫圻固圉表忠宣勞惟公撫楚令聞昭著媿  
休三后勲崇烈樹顯允元侯矢力替圖穆哉柱史同  
德訐謨鸚渚縣延鵠樓岵嶸內史作銘以告方國

君山

歲丁酉夏四月地官鄭氏冬官張氏咸以王事留滯  
岳陽公暇乃偕兵憲鮑氏郡守王氏及都閩朱氏汎  
于洞庭訪君山焉鄭子謂張仲曰昔者大禹南歷東  
陵乃登宛委獲秘圖焉子贊司空茲游也將無探圖  
于茲爾乎謂鮑叔曰昔者黃帝南狩炎方乃登熊湘  
茂元化焉子治方岳茲游也將無宣化于茲爾乎謂  
王守曰昔者帝舜南巡衡嶽乃陟蒼梧頒輯瑞焉子  
尸牧長茲游也將無咨瑞于茲爾乎謂朱帥曰昔者  
帝堯南征苗裔乃涉丹水赫隆勲焉子秉麾鉞茲游  
也將無勳勲于茲爾乎諸子聞之唯唯是日也晨辭  
江許午越煙島晚泊茲山之麓闕玄夷之幽宮眺陽  
鳥之澤居以思宛委焉張仲喟然曰茲非沱潛既導  
九江孔殷以受元龜者乎乃躡鑄鼎之層臺憇問道  
之遺墟以思熊湘焉鮑叔喟然曰茲非華胥既游萬  
幾惟康以奏鈞天者乎乃謁虞妃之靈祠吊糜子之

芳蹟以思蒼梧焉王守喟然曰茲非媯汭既歸二女  
來儀以浮沅湘者乎乃眺祝融之巖從羨雲夢之廣  
邈以思丹水焉朱帥喟然曰茲非廣運無方四表光  
被以謠擊壤者乎於是鄭子瞿然思恍然疑飄飄然  
若游無何有之鄉乃之洞野問焉玄素子曰吾問諸  
皇者之世厥化穆穆厥風沕沕民狎于野而罔弗穀  
帝者之世厥績雍雍厥風融融士熙于朝而罔弗同  
王者之世厥政皞皞厥風浩浩百官亮采兆民允殖  
而罔有非道矧今

神聖明作肇自楚邦靈光灑氣醲郁涵泳播為馨香  
薰為泰和視堯舜禹其揆一也鄭子毓秀中州列官  
北署夙勤幽薊今督湖湘漕政既舉幽事甫集乃能  
俾川若效靈陽侯弗與山祇呈秀霏霾澄歛而王檢  
瑤函發竒林壑霞章星藻絢彩泉臺可嘉也已我思  
古人平均湘君之吊厥辭渾矣蘄尚施讒弗得其位  
然而忠可則也少陵洞湖之詠厥律壯矣天寶召亂  
弗得其幾然而貞可則也文正岳樓之記厥文煥矣  
慶曆防邊弗得其時然而猷可則也鄭子遭茲盛際  
尚友古人則猷以經國則貞以裨身則忠以報主必  
有得于湖山魚鳥之外風雲霄漢之表上追邃古不

揚休烈故曰務外游者不若務內觀其是之謂乎

### 慎獨

慎獨樓者光澤王止菴之所建也孰錫之名今

天子錫之名也名之也何昭 帝訓也闡 聖學也

導 皇極也惟 帝有訓大哉至矣曷為乎昭曰敬

義而已爾敬勝怠者吉義勝欲者從是故君子慎厥

幾焉敬以直內禮制心也義以方外義制事也其諸

昭 帝之訓爾已乎惟 聖有學博哉約矣曷為乎

闡曰易簡而已爾乾以易知坤以簡能是故君子觀

厥象焉易則易知德可久也簡則易從業可大也其

諸闡 聖之學爾已乎惟皇有極中焉止矣然則曷

為乎繫之獨也曰幾也者至微而幽象也者至著而

顯知其微而通之良其背不獲其身行其庭不見其

人主靜極矣敬義立焉夫是之謂昭 帝之訓知其

顯而潛之尊其所聞則高明行其所知則光大慎動

極矣易簡備焉夫是之謂闡 聖之學且吾聞之止

菴之崇德也保和有冠匪曰賁飾將以守中也中心

無為和順積焉其廣業也博文有堂匪曰修姱將以

守約也約禮有要博厚基焉和而中博而約斯止于

菴矣非慎獨而能若茲乎夫是之謂導皇之極若夫

凌雲樓霞晚煙景以為麗壘嶂景山眺丘壑以為幽  
望仙延福徼鬼物以為誕鬱儀結鄰托景緯以為奇  
是馳志梁苑肆情淮山豈弗能窺東平之藩垣望河  
間之堂宇况能登覽崇高包羅廣邈爾乎書曰是訓  
是行以近天子之光 帝訓之謂也易曰君子學以  
聚之問以辨之 聖學之謂乎詩有之永錫爾極時  
萬時億子子孫孫勿替引之為賢王厥子若孫者登  
斯樓焉其勿忘於慎獨

仰瞻

夫仰瞻堂者西愚公之所居也曷繫乎仰瞻西愚公  
之居之東為孔子廟庭蓋取諸顏氏之訓仰彌高也  
瞻在前也其仰且瞻也何聖人之道其至大也如天  
其至明也如日月夫人而仰其至大也是故大觀在  
上不可階升也夫人而瞻其至明也是故重明在前  
不可逆覩也眇予小子嘗登泰山矣始也瞰石間睨  
梁父歸乎其崇也既也躋日觀關天門岌乎其危也  
又既也望滄瀛指之眾則又見乎方壺員嶠浩浩乎  
其廣也於乎道之至大茲不可仰乎又嘗謁闕里矣  
始也遵泗濱滌沫源淵乎其深也既也經嬰圃躡杏  
壇窈乎其邃也又既也陟奎文聆金絲則又見夫龍

圖龜範赫赫乎其麗也於乎道之至明茲不可瞻乎  
而乃今西愚公由姚江以瞻魯觀地之相去若此其  
甚遠也由西堂以仰東校居之相比若此其甚邇也  
然則仰且瞻也詎無深長思乎易良有之艮其背不  
獲其身無我也行其庭不見其人無人也無我則何  
思何慮奚有於瞻夫惟無瞻而後克真瞻亦惟自強  
不息爾矣無人則無將無迎奚有於仰夫惟無仰而  
後克真仰亦惟用晦而明爾矣自強則德崇德崇則  
可大大則化化則神神則疇為其高也亦疇為其堅  
也用晦則業廣業廣則可又又則變變則通通則疇  
為其前也亦疇為其後也故曰如有所立卓爾道至  
中焉止矣吾聞西愚公宅心以大悟道以明闇而章  
穆而貞仰止宮墻具瞻廟貌蓋如愚而希卓者於乎  
道不在茲乎於是乎繫之銘曰惟彼姚江虞帝之墟  
龍泉浩渺鴈池沾濡惟彼姚庠孔聖之宮圭瓚森列  
金石春容惟彼陳氏厥祖虞冑髦乂崛起鍾靈孕秀  
惟彼陳公厥希顏卓神明內朗績文植學幼好竒服  
長佩韋弦仰之思高鑽之思堅發軔司空水土是任  
亮采其邦其難其慎繼踐司寇欽恤惟刑配于天牧  
克允克明分藩西粵休風時被康濟厥民徕徕遵義

督學南滇化雨時行甄陶厥士狃狃歸仁轉轄三楚  
憑軾七澤衡嶽勒勲洞庭揚烈道本有體神固無方  
自我立則旁燭煌煌民具爾瞻高山仰止希賢希聖  
中焉止矣緬思堂宇眇在天方嘉謨嘉猷以麗典常  
漢有太丘德星攸聚元方季方以續以姒宋有省華  
湛露攸灑堯咨堯叟令聞令望內史作銘貽厥孫子  
繼繼繩繩慎終如始

祁庠

惟皇懋建皇極丕敷文命釐正祀典肇禋先師孔子  
于文華殿載臨辟雍垂裳講道以風天下于時畿甸  
熙化彬彬爾矣歲甲午孔侯天胤自秦督學遷牧于  
祁乃謁孔廟喟然嘆曰弗崇厥構胡以永觀弗惇厥  
教胡以祇命厥咎在予予曷敢後越明年春二月哉  
生明乃闢厥基吉土惟剛乃遴厥材隆棟惟良乃鳩  
厥工爰采其長乃諏厥士僉謀允臧其中為先師廟  
廟之東北為啓聖祠廟之左右為先賢廡廡之左右  
為名宦鄉賢祠廟之後為明倫堂堂之左右為四齋  
為諸生舍內為虹橋外為櫺星門門之南為泮池越  
七月工告成又明年春二月拙俾來告諸內史氏曰  
願紀厥成內史道南曰於乎我聞在昔皇之世厥化



泐泐爾厥風渾渾爾是故人皆若其元命蚺飛蠕動  
跂行喙息時則無事于學罔非學也道其始矣乎帝  
之世厥化穆穆爾厥風灑灑爾是故士皆率其彛性  
寬栗愿恭簡廉剛塞時則有事于學罔弗學也道其  
中矣乎王之世厥化皞皞爾厥風噩噩爾是故官師  
始脩其彛教鄉塾術序黨庠國均時則學始遍天下  
而罔弗事于學也道其終矣乎矧茲孔侯始而悟道  
中而敏學終而惇教爾邠士蒞茲學也被茲教也其  
知道乎夫知道之始而求之天之命也知道之中而  
求之命之性也知道之終而求之性之教也繇立命  
而之焉其皇之化之風乎繇率性而之焉其帝之化  
之風乎繇立教而之焉其王之化之風乎孔子集群  
聖大成者也故曰大道之行也與三代之英丘未之  
逮也而有志焉爾邠士志于希賢賢以作聖王教其  
興矣志于希聖聖以同天帝教其興矣志于希天天  
以入神皇教其興矣是故立命必本諸性率性必本  
諸教立教必本諸志於戲以台觀諸古人立命道之  
始也立教道之終也以台告諸多士立志學之始也  
立命學之終也繼自今其求孔子之時中乎故曰始  
條理者智終條理者聖孔子之道貫始終而一之者

也孔侯聞之則又喟然嘆曰是予小子志也亦多士志也請書以爲祁學記

貞文

貞文書院者祁守孔侯之所建也建之也何崇祀也厥祀維何祀宋法曹張明公元狀元董君章李公平也夫祀明公曷爲者也崇道德也祀君章公平曷爲者也表宅里也曷爲乎崇道德也昔者明公篤志聖學銳情王道淵乎神明與居浩乎造化與遊也是故我觀諸正蒙之編其篤足徵也理窟之編其銳足徵也訂頑砭愚之銘其淵其浩足徵也徵之斯祀之矣

曷爲乎表宅里也昔者君章夙抱雋才公平雅負奇氣歛乎蛟螭斯躍燁乎鸞鳳斯翔也是故我觀諸至治之對其雋足徵也至順之對其奇足徵也牧長奉常之績其躍其翔足徵也徵之斯祀之矣詩有之高山仰止景行行止其諸祀明公之意爾矣乎書有之表厥宅里樹之風聲其諸祀君章公平之意爾矣乎是役也經始于乙未之九月越十月祠宇成十一月大雅堂成十二月齋舍成明年正月諸工畢成先是壬辰孔侯登一甲進士第二人乃督學于秦既而左遷于祁也於是乎建貞文書院以淑邦人士云內史

氏既叙次其事廼撰侑神之歌三章其一章曰惟祁  
有山兮鼓峯西太行兮噤噤北恒嶽兮龍從山祗毓  
祥兮靈氣鍾谷隱霧兮藏豹石觸雲兮從龍明明茲  
烈兮山之崇其二章曰惟祁有水兮鼃漳源唐谷兮  
沙土濬滋流兮澤鄉川精薦社兮水若翔星聯珠兮  
奎緯月合璧兮雲章淵淵茲澤兮川之長其三章曰  
惟祁有哲兮橫渠宗鄒魯兮聖源滌濂洛兮德腴歲  
月云徂兮日居諸君章起兮疇與公平紹兮爲徒穆  
穆茲祠兮吾道不孤

畿學

御史兩厓朱子禮氏祗承

上命督視北畿學政既蒞事振頽脩則刻竄端表士  
習不變文化勃興乃圖惟往蹟蒐遺闡幽自天順至  
嘉靖督學政者凡若而人列厥名氏鐫諸貞石乃令  
順天府學官張欽高鉉重价劉禮徵記內史氏曰茲  
舉也稽名崇實其知道也乎哉我

高皇肇濯幽冀昉建黌校乃惟北平諸郡又汙夷俗  
茂選俊髦渙頒經籍時則有真化而無偽學渾渾爾  
泐泐爾肆

文皇載登鴻祚敷賁大觀乃惟畿內諸庠首被玉澤

申飭規條嚴著表範時則有真學而無偽政穆穆爾  
雍雍爾迨

英皇力振洪綱敦崇彞憲乃惟兩都重地特命御史  
秉憲督視蕃育士類倡率海甸時則有真政而無偽  
名赫赫爾濯濯爾是故渾渾沕沕者皇之化也穆穆  
雍雍者帝之學也赫赫濯濯者王之政也知皇之始  
太上立德其諸化之真矣乎知帝之中其次立功其  
諸學之真矣乎知王之終其次立言其諸政之真矣  
乎方今

明聖作極元化溢流寤寐真儒昭宣神教矧畿內伊  
邇賢關所先涵濡既深濬發必厚子禮氏求諸往哲  
迪厥來學繇終而反之言以彰功王政其基矣繇中  
而麗之功以昭德帝學其基矣繇始而原之德以樹  
教皇化其基矣故曰茲舉也其知道也乎哉乃若曰  
其賢其不賢急于方人緩于自治是名也非實也子  
禮必知所擇矣子禮聞之曰吾向也學于陽明子吾  
今也乃知學之合一也是故政教合一之謂化功言  
合一之謂德名實合一之謂學道不在茲乎於是都  
人士請列之學宮以告諸來者

朔祠

御史豐村金氏督視山海諸關乃召諸父老詢諸死  
難凡若而人惻爾興懷寤也永嘆乃惟建昌營為諸  
路要地鳩材萃工立祠舉祀以風諸邊土僉謀胥協  
馳䟽以聞

上可之內史氏曰茲祠也其猶有古之道也夫夫忠  
莫大於利宗社義莫大於扞牧圉事莫大於激忠義  
曷言乎利昔者

高帝肇定幽燕爰郡北平乃惟茲地首建藩屏昨寧  
于扶餘昨谷于霧靈列屯開闢莫敢余侮嗣後巖險  
迭遷保障罔固田狐墉隼時復窺伺而乃今諸將掛  
弓扶桑撫劍烏桓彼鋒遂挫我師用臧是知有社稷  
而不知有其身故曰苟有利於社稷死之可也不  
謂忠焉爾矣乎曷言乎扞昔者

文帝親征沙漠載宅畿甸乃惟茲關分布軍士東控  
遼陽北聯宣大扼吭掎角莫我敢撓嗣後債帥滋多  
捷兒疲憊飢鷹餒虎孰從効命而乃今諸士擐甲寘  
顏揮戈浚稽刎首弗辭輿尸罔惜是知有疆圉而不  
有其身故曰視卒如處子可與之俱死可不謂義焉  
爾矣乎曷言乎激昔者

英帝旋蹕龍庭封檢狼胥乃惟茲死難諸臣重加軫

卹首表宋瑛繼褒朱冕鄺楚曹鼎後先贈謚而乃今  
柱史表揚幽光發舒孤憤以樹將幟以揭士旌是有  
利于社稷有扞于邊圉而不必其有於身故曰以死  
勤事則祀之可不謂激忠義焉爾矣乎邊士聞之垂  
泣相告曰吾儕不圖今日死者有歸生者有寄也故  
曰茲舉也其有古之道也夫于時巡撫都御史頴東  
党氏巡視御史山東姜氏鄂南朱氏太平倪氏川西  
周氏戶部郎中柳南李氏上谷李氏兵部主事山東  
葛氏咸相與贊成而總兵官蕭陞游擊將軍仇聚則  
効力居多者也內史氏既叙次其事又繫之以三險  
之歌三章俾邊士歌之以祀諸死難者其一章曰繫  
天險兮九冥上應壘壁兮下接瑤京蛟龍夭矯兮甲  
冑森明誓勒燕然兮隕首如生其二章曰繫地險兮  
千關東枕滄瀛兮北倚陰山貔虎縱橫兮矛戟交攢  
誓封居胥兮捐軀爰難其三章曰繫人險兮三才地  
阻丘陵兮天屯雲雷負負高張兮忠義永懷吁嗟曠  
祀兮以告方來

學徵

田德溫督楚學政朞而政行焉優優爾又朞而教行  
焉颯颯爾又朞而化軌大行焉彬彬爾既而擢憲賈

陽督學如初內史氏告若曰於乎古之爲政者一而  
乃今莽乎多岐矣古之爲教者一而乃今嗟乎多緒  
矣古之爲學者一而乃今棼乎多門矣是故皇之政  
泐泐爾時則天以爲經四時宣令五行循序厥教蒙  
厥學顯厥化無方帝之政渾渾爾時則地以爲緯五  
方濯習九域樹風厥教穆厥學貞厥化無爲王之政  
斯斯爾時則人以爲極六德約提三物陳式厥教章  
厥學衷厥化有功大道既隱微言載絕政斯多岐其  
盤也荒教斯多緒其盤也僻學斯多門其盤也管然  
則政曷一乎曰教教曷一乎曰學學曷一乎心肆今

明聖昌紀君師作則欽崇心學敷施神教德温際茲  
寵靈樹乃勲烈固有大德不官大道不器焉者是故  
于鄂于月崑發濂溪之蘊其蘊也闡焉于黃于石險  
昭明道伊川之秘其秘也顯焉于沙于嶽麓紹考亭  
南軒之統其統也振焉于衡于紫蓋表文定西山之  
蹟其蹟也彰焉是故發蘊則篤昭秘則敬紹統則忠  
表蹟則信故曰言忠信行篤敬蠻貊之邦行矣且貴  
陽天野井參地纏滇粵人朋犵狔矧今肇賓多士文  
化聿興日際月竈霜嶧冰嶠罔弗嚮學所宜用夏變  
夷以身先者茲而以楚之政正之道丕中矣無多岐

矣其晰天之經已爾乎以楚之教校之學不醇矣無  
多緒矣其布地之緯已爾乎以楚之學覺之心不純  
矣無多門矣其迪人之極已爾乎禮有之善歌繼聲  
善教繼志二三子之謂也詩有之維先民是程維大  
猷是經德温其懋之哉

古思

思古陳將軍言旋于浙栢厓子曰思古蓋有志於古  
者予其永言以慰其懷內史氏曰云何栢厓子曰昔  
在

憲宗銳脩機務聿求名將維時陳朴庵公理浙西戎  
事縉紳介冑俎豆干戈嫺于詞翰思古紹厥祖之不  
烈習乃考之遺畧綽有今聞存轄軍政子其永言內  
史氏曰台聞諸郤穀之爲將也郤芮開厥初郤克衍  
厥裔夫是以悅禮樂敦詩書卒有趙衰之薦思古其  
然乎夫是之謂發蒙栢厓子曰昔在

孝皇明庸百度整飭九邊維時劉東山公當本兵重  
任內衛社稷外扞牧圉身繫安危思古創著運漕之  
勞繼懋造舟之勩積有成效歷陟都閫子其永言內  
史氏曰台聞諸韓厥之爲將也寧地之役北齊師鄢  
陵之役逐鄭伯夫是以揚光烈彰信義卒有獻子之



蓋思古其然乎夫是之謂幹蠱栢屋子曰昔在

毅帝北攘胡虜南討叛藩維時闡瑾首旤奸寧賊彬

先後煽虐莫敢誰何思古持節淮揚勦殄撫綏分符

吳浙規畫布置弼謨宣力效用居多于其永言內史

氏曰台聞諸士會之為將也定城濮之謀靖姬室之

難夫是以修典禮明國法卒有熒句之胤思古其然

乎夫是之謂師貞栢屋子曰思古必有古之道也已

矣子述古而弗永於言何也內史氏曰子知夫易乎

蒙之初六發蒙利用刑人象曰以正法也蠱之初六

幹父之蠱象曰意承考也師之九二在師中吉象曰

承天寵也夫兵刑之大也蠱敵之極也師之所在危

道也是故為將者不患無勇患不仁不患無智患不

忠不患無功患不誠誠以宅心忠以匡國仁以懷衆

將之道幾矣以是發蒙曷法弗正以是幹蠱曷事弗

成以是行師曷寵弗勝思古歷事

四朝有功而不驕善讓而不爭勤足以集勳寬足以

得士投之所向罔不如意隨其所試人致思焉發蒙

幹蠱可不謂師貞夫人爾已乎矧今

聖明統御群雄勵精化理首召思古叅禪京漕八九

年來軍不告疲民不告困財不告匱役不告繁思古

蓋與有力焉茲秩禁衛工歸里閑詩曰吉甫燕喜既多受祉又曰吉甫作誦穆如清風其是之謂乎

臺紀

御史東厓馮孟元氏視楚有休烈焉事竣旋臺于時布政使韓侯士英參政劉侯儲秀按察使吳侯允祿副使鄭侯濂葦咸謂內史氏曰東厓子子所舉也蓋贈諸內史氏曰予聞諸御史之職爰始于周掌書受灋貳典參柄漢則三輔秉節唐則二臺真紀宋則三院陳憲厥職亦云重矣

國朝稽古建官有都察院以統邦憲有御史大夫以司臺紀有諸道侍御史以糾群務厥秩要厥任專厥績亦惟懋哉在洪武永樂間有若夏原吉魯穆直節激烈其學足徵也洪熙宣德間有若吳訥王翱真誠淳愨其志足徵也天順景泰間有若軒輓林鶚惠政昭宣其才足徵也乃若東厓子夙負奇氣雅抱重器始也發軔于越滌龍門凌鴈蕩探禹穴觀胥潮浩乎其博也然而原吉之敏穆之介蓋有其學矣既也攬轡于燕蛾豸冠排虎闥捧臯囊伏青蒲屹乎其嚴也然而訥之朴翔之宏蓋有其志矣又其既也馮軾于楚登衡嶽望九疑遵洞庭浮七澤赫乎其整矣然而

三十三集 一書列卷五 三十三  
輒之清鷲之簡蓋有其才矣是故誠以定志志以蘊  
學學以廣才才以建節節以敷政可不謂盡厥職乎  
予又聞之孔子曰臧武仲之智公綽之不欲卞莊子  
之勇冉求之藝文之以禮樂亦可以為成人矣東厓  
子繇茲六子而時出之敏可以集事介可以勵俗朴  
可以鎮浮宏可以容物清可以廉頑簡可以屏囂苛  
乂之德可大之業不在茲乎東厓子聞之曰吾乃今  
知成人矣豈直曰績云乎

蒲牧

揚子牧蒲州內史氏告曰台聞諸茲土也古神聖之  
宅也賢哲之園也天地之府也河山之阨塞也而邦  
國之所恃以藩屏焉者也是故師神聖者其道廣以  
淵賓賢哲者其學粹以精明天地者其德崇以厚官  
河山者其識超以卓家邦國者其才克以裕是故歷  
山鳩靈媯水發祥是有虞氏之故墟也汾陰摩社棗  
陽錫休是夏后氏之遺蹤也鳴條載師河津遷耿是  
殷商氏之垂烈也猗氏原郇令狐創險是姬王子之  
采邑也曲沃析封虎祁崇觀是晉文侯之封域也迨  
六卿分爭城壘野戰五湖肆毒川血原肉世代鬱湮  
地力耗斲物產凋憊英豪荒落仰眊隆古風氣蟠結

雄甲盟長遐哉逝矣莫可追矣是故匪克且裕才奚  
以家匪超且卓識奚以官匪崇且厚德奚以朋匪粹  
且精學奚以賓匪廣且淵道奚以師方今

神聖作極法象天地表裏河山登崇賢哲贊襄化理  
疇咨守令軫惻黎元子楚之良也楚材晉用自昔則  
然矧蒲西衝關陝北引燕趙東隣雲中南邇梁土謹  
其斥堠豐其餽恤其疲瘡濟其饑饉簡其獄訟絕  
其姦宄於是乎以家邦國經之以才以官河山炳之  
以識以師神聖振之以道以賓賢哲曠之以學以朋  
天地象之以德師有立道賓有興學朋有樹德官有  
廣識家有成才於乎子行矣豈必借才異代哉

咸政

咸鄂劇邑也其山則金燈鍾臺崑岷吸喋萬峰所紆  
鬱其水則蘋溪蘆泉洑泱泱百泓所感沸其民刈  
邑旅獐獬旬氓包休千村所亘絡是故為牧長者或  
不滿歲輒易去亦孔艱矣旌德梅侯始至或謂其惠  
而寡威君子曰子產為政群喙囂囂爾滋久鄭恃以  
安豈其弗威然與或又謂其朴而靡華君子曰子游  
為政絃歌洋洋爾滋久魯感以化豈其弗華然與梅  
侯力排衆論獨決群疑道以愷悃諭以彞憲樹以風

聲彰以物采返以淳泓沐以清冷部使鄭子書其慎  
監司馮史覈其勤中丞顧公揚其清雖傳檄旁午委  
牒繽紛自信益篤持義益堅爰飭黌宮于彼東高則  
先聖妥靈爰飭書院于彼相山則先喆揚休是故嶽  
祇錫祐有峴山所不能紀者爰創浮舟于彼西河則  
旅鮮號咷爰創虹橋于彼官埠則氓鮮病涉是故淵  
若貢社有貪泉所不能汙者爰軫催科上不匱國爰  
軫刑罰下不匱民是故輿誦稱賢有若耶中牟所不  
能悉者昉焉疑若惠者服厥誠詫若朴者飲厥澤君  
子曰梅侯非古之所謂良吏者與今之世古之人焉  
乎爾今之人古之心焉乎爾豈其含天之精焉緼地  
之靈焉而人弗斲焉乃若是與詩有之我思古人實  
獲我心此之謂也

湘橋

永興橋者臨湘之要津也橋之者何湘尹尹君德章  
也謂永興也何永觀厥成也工告成乃厥邑厥士歌  
民告諸內史曰願紀貞石以垂有永內史氏曰云何  
或曰惟茲橋也奠湘南浦基于教廣則漚流奔放石  
梁泐齧雖有巨靈罔善厥始焉紹于迎恩則潢潦浸  
淫旅人號咷雖有精衛罔善厥終焉惟我尹侯爰始

經營鳩材命工相土懸臬庶民攻之不日成之詩有  
之就其深矣方之舟之其是之謂乎內史氏曰廣哉  
然而澤厥民矣或曰惟茲邑也宅楚南疆縣亘東陵  
則岷江浩渺洞湖洩沅湘滋澧諸大水趨焉聯絡  
道林則魚梁岬岷鴨磯礮砭松陽白泥諸小水趨焉  
惟我尹侯爰度形勝宣湮䟽滯架流通軌庶士歌之  
惟日不足詩有之造舟為梁不顯其光其是之謂乎  
內史氏曰貞哉然而乎厥士矣或曰廣而貞者何內  
史氏曰古者王政之行於天下也制器利用若時成  
務以厚民生辰角見而雨畢天根見而水涸氏見而  
草木節解駟見而隕霜火見而清風戒寒於是乎收  
場工時奮揭觀流泉經土野而成之乎橋梁民不病  
溺旅不病涉財不告匱力不告疲是故澤廣諸民匪  
小惠也化乎諸士匪近利也乃若溱洧之濟惠矣而  
匪廣澆梁之除義矣而匪貞廣而且貞將疇與哉吾  
聞尹侯之為政也三月而政行厥民懷焉其為惠也  
不亦廣乎三年而教行厥士興焉其為義也不亦貞  
乎是故可以風天下之為政者矣茲役也昉于丁酉  
之孟春成于戊戌之孟夏乃繫之辭曰惟彼荆楚甲  
于海涯衡嶽為鎮江漢為池惟彼湘邑肇基隆古荆

巫之衢鄂岳之許澤潞而滎山狹而崢驚濤絕壁迅  
流迴湍匪舟曷濟匪梁曷通經之營之目昔攸同卓  
彼尹侯士林之杰勞必躬親展彼心畫肇諏教廣載  
浴迎恩膏曰墊溺其何以寧乃召庶民章程勿懈取  
材山麓伐石江瀨乃召庶士協謀以圖裕者捐貲巧  
者贊謨嶽祇監只永錫元吉虹梁嵯峨雲梯岌業淵  
靈相只永垂厥徵銀河洞澈玉浦澄滄是曰永興南  
土利涉爰以作銘以告來喆

相誕

相國序菴公初度公之元子少卿公循同舉進士者  
若而人咸與稱觴于堂為公壽殿講汝璧觴而祝曰  
璧也不敏聞諸書天壽平格保乂有殷以言乎其徵  
諸天也然而徵諸天者則有若曰斗斲元氣曰台應  
上相是故斗之運四時也節候和調協氣生焉台之  
潤六符也象緯森布泰階平焉而相業之謨明弼誥  
寔類之昔者傳說輔商史臣紀之以為箕尾揚輝盖  
有徵于天矣公其為傳說矣乎抑為台為斗與天無  
極乎宮贊治觴而祝曰治也不敏聞諸禮天降時雨  
山川出雲以言乎其徵諸地也然而徵諸地者則有  
若曰如南山之壽曰如川之方至是故山之為恒嶽

也盤鬱宛延靈氣鍾焉川之為瀛海也浸潤涵蓄禎  
祥發焉而相度之博厚含宏寔類之昔者申伯翰周  
文武是憲內史歌之以為崧嶽降神蓋有徵于地矣  
公其為申伯矣乎抑為川為山與地無疆乎宮允承  
叙觴而祝曰叙也不敏聞諸詩壽考維祺以引以翼  
以言乎其徵諸人也然而徵諸人者則有若曰子子  
孫孫曰子孫繩繩是故書之垂大訓也肯構肯堂胤  
祚繇焉詩之紀休澤也公姓公族仁厚基焉昔者周  
公啓宇子姓蕃衍詩人頌之以為眉壽保魯蓋有徵  
于人矣公其為周公矣乎抑若孫若子與國咸休乎  
於是殿撰用賓顧道南曰三子者云何道南作而曰  
稱台斗者存乎天也公之勲烈昭升于上有天數所  
不能囿者矣稱山川者存乎地也公之譽望敷聞于  
下有地力所不能限者矣稱孫子者存乎人也公之  
德澤克昌厥後又有人謀所不能與者矣然而人也  
者又所以合天地而一之者也何以言之觀諸洪範  
三才胥協五休不應富壽康寧木攸好德有足徵矣  
是故雨暘燠寒風一陰一陽互為其它天之壽也水  
火木金土一剛一柔交相為用地之壽也而其所以  
裁成天地之道輔相天地之宜綏猷錫福以左右萬



民于仁壽者則大臣以道事君之事也今  
聖神建極俊民用章是曩是訓正直平康惟公浚明  
有家亮采有邦上而調燮陰陽以參天道于泰清下  
而克濟剛柔以贊地道于泰寧中而奠安華夏以置  
民生于泰和而又身其康強于孫逢吉視古傳說之  
勳烈周公之德澤申伯之譽望又若有望焉若夫台  
斗之徵于上山川之徵于下子孫之徵于後乃知公  
之攸好德之效之大其所從來者遠矣周官有之曰  
寅亮天地弼予一人周雅有之曰於萬斯年不遐有  
佐予小子請以為公壽

壽壽

大司馬漁石唐公自三秦入為司寇丁酉六月五日  
寔維公母氏鄭太夫人懸輓之辰蓋壽躋八袞于茲  
矣時朝宁自諸公卿諸大夫諸百執事而下若而人  
咸相與徵言為太夫人壽諸公卿若曰是歲也幹旋  
柔兆支正君難適舉其中適履其端歲斯順矣矧太  
夫人育德望族自厥祖聽庵翁厥考圻園翁咸登膺  
仕爰歸于唐惟德之行溫惠貞淑肅肅雍雍茲與歲  
俱積衍於無疆詩有之萬有千歲其是之謂與諸大  
夫若曰是月也日躔鶉火星緯壁奎適嘉于亨適炳

于離月斯令矣矧太夫人樹則名門事厥舅節推公  
厥姑何夫人咸極孝貞爰相篁墅益篤純忱子孫繁  
昌蟄蟄說說茲與月俱積邈焉無垠詩有之如月之  
恒其是之謂與諸百執事若曰是日也日執于井月  
宿于張適媪于陰適煦于陽日斯毅矣矧太夫人承  
寵天家初封為太孺人繼封為太淑人爰增穹秩享  
有遐齡耄耄期頤繼繼繩繩茲與日俱積俶焉有徵  
詩有之惟日不足其是之謂與於是內史道南作而  
曰洪範有之曰歲月日時無易其諸君子之祝之徵  
爾矣乎又曰身其康強子孫其逢吉其諸太夫人之

壽之徵爾矣乎又曰是訓是行以近天子之光其諸  
大司寇之孝之徵爾矣乎昔者張文定公之母之範  
也禁掖是師晉國剖符趙康靖公之母之錫也郊賚  
屆期郡君增秩呂榮公之母之教也正獻遺範申國  
崇典是故師亮為名相叔平為名臣而原明亦為名  
儒乃知母氏之賢其所繇來遠矣而乃今漁石公始  
而擢英浙水陟憲燕臺巡視江右督學關中有原明  
之正傳既而峻司邦紀豐兼儲賦茂膺銓衡允明藻  
鑑有叔平之直節又既而出鎮三邊功銘鼎呂入典  
庶獄澤流嘉肺有師亮之令名母氏太夫人鶴髮暈

冠醜顏鳳詰日有所益月有所增而燕喜於萬斯年  
雖張晉國之範趙郡公之錫呂申國之教又將兼而  
有之矣是故我觀諸公卿之言其教足徵也我觀諸  
大夫之言其範足徵也我觀諸百執事之言其錫足  
徵也詩有之綏以多福俾緝熙于純嘏其是之謂與

崇壽

丁酉冬十二月癸亥寔維汪母初度之辰厥嗣司馬  
子允司制子才進士子衡選士子翰豫稱觴于廷為  
母氏壽子允祝曰維乾有緯寶婺章矣介茲穹祐母  
壽昌矣易有之自天祐之子才祝曰維坤有靈瑤水

環矣介茲壤禎母壽絲矣詩有之川之方至于衡祝  
曰維家有則懿範明矣介茲戩穀母壽寧矣書有之  
壽富康寧子翰祝曰維國有典寵渥彰矣介茲純嘏  
母壽滅矣語有之仁者壽或者述以告曰四子者曷  
謂也內史氏曰以言乎天也者坤道承乾者也坤以  
順承母道其順矣乎以言乎地也者陰儀配地者也  
陰以貞配母儀其貞矣乎以言乎家也者明章內教  
者也教以範成母教其章矣乎以言乎國也者祇承  
休澤者也澤以典裕母澤其裕矣乎是故觀諸諸子  
之祝而天地恒乂之道家國齊治之理於是乎永徵

矣昔者魯僖公之母之壽也奚斯撰頌君子以為克  
順也呂榮公之母之壽也正獻垂則君子以為克貞  
也張文定公之母之壽也晉國剖封君子以為克明  
也趙康靖公之母之壽也郡君膺秩君子以為克裕  
也矧茲太孺人出自素庵憲長之裔來歸鹿門儒宗  
之室而其子子衡又為大中丞白泉公後予嘗覽觀  
國史知素庵之節矣尚友鄉間知鹿門之德與白泉  
之勲矣又較藝禮闈甄雋里選知四子之賢矣是故  
徵賢以知裕徵裕以知澤徵澤以知勲徵勲以知成  
徵成以知教徵教以知貞徵貞以知儀徵儀以知順  
徵順以知道而諸子者又將崇德象乾以壽吾道廣  
業象坤以壽吾民衍澤樹烈以壽厥家策勲正道以  
壽厥國則所以壽厥親者亦有無疆之聞夫是之謂  
壽四子聞之曰是可以壽吾母也已

粵壽

歲戊戌秋九月庚辰文學胡竹岡母氏誕辰闔庠諸  
生各述所學以効厥祝有誦易而祝者曰帝乙歸妹  
以祉元吉夫玄王興教以開商祚厥氣渾厥俗泐厥  
風噩噩爾矣茲祝也其無乃非歸妹之遺澤哉有誦  
詩而祝者曰魯侯燕喜令妻壽母夫伯禽崇教以啓

魯字厥氣和厥俗淳厥風渾渾爾矣茲祝也其無乃  
非成風之遺範哉有誦語而祝者曰敬姜儉勤永有  
令聞夫文伯受教以世其家厥氣肅厥俗穆厥風風  
泐爾矣茲祝也其無乃非敬姜之遺訓哉於是諸生  
告諸內史氏史南作而曰淑哉文學之教也躋哉諸  
子之祝也其所繇來者遠矣吾聞易有之介福王母  
夫福介自天者也天以福畀諸人克終者鮮平康好  
德乃獲休徵德也者其福之本乎詩有之母氏聖善  
夫善聖自人者也人以善全之天克類者艱吉人為  
善乃衍餘慶善也者其福之備乎語有之仁者壽夫  
一則善備于已福介于天罔弗壽矣明章內教乃垂  
光裕仁也者其壽之元乎是故必介福而後克元吉  
必聖善而後克燕喜必體仁而後克令聞吾聞太孺  
人厥德惟懿厥善惟醇克相厥夫克訓厥子其所以  
體仁者厚矣是故不惟其壽惟其福不惟其福惟其  
德不惟身其康強且子孫其逢吉爾矣詩有之俾緝  
熙于純嘏其是之謂乎

貞義

闕逢敦牂內史氏遵蒞澤徂具區采風闔閭之里爰  
諏于宮保白樓公曰君子之鄉有順於而親愉志怡

色以弗怡厥彝者乎曰無踰于遺安翁者爰諏于太  
宰玉峯公曰君子之鄉有睦於而族煦孤植仆以弗  
罹厥咎者乎曰無踰于遺安翁者爰諏于少宰崦西  
公曰君子之鄉有刑于而家任質履朴以終厥身弗  
整厥義者乎曰無踰于遺安翁者已而五嶽黃仲子  
來謁內史氏喟然嘆曰夫遺安者何為者也仲子曰  
遺安翁姓馬氏名瑤字德輝予小子聞人也高大父  
勝二大父銘父昇咸業醫世其家遺安翁克紹厥緒  
克種厥德以故有令聞焉初祖墓兆在沙溪懼其弗  
享也則卜地以遷域是以有壤祗之應祖母彌留疾  
疾懼其弗康也則籲天以祈代是以有穹靈之感故  
曰順于而親伯瑛季瓊毀厥產矜其弗振也則庇之  
使有終是以有拯溺之休叔珮肆厥誣矜其弗原也  
則全之使有生是以有柔強之美故曰睦于而族厥  
配顧孺人筭而來歸其敬也如賓是以有冀缺之擬  
及鰥而獨處其生也如寄是以有管寧之慕故曰刑  
于而家乃若輸金以賑饑捐地以畀隣散貲以周姻  
焚券以全友創塾以延賢貽穀以啓胤是又其義之  
至貞強立而不返焉者也是故間脊揚之黨正書之  
郡守稽之監司陳之表厥宅里名之曰義厥子驥以

貢薦于廷厥孫承學舉進士承業補太學生匪貞義  
之昌厥後也乃克茲哉內史氏聞之則又喟然嘆曰  
於乎古道之不復見于天下也久矣而乃今焉于遺  
安翁徵之是故我觀諸褒義之書其順足徵也我觀  
諸獎義之書其睦足徵也我觀諸重義之書其刑足  
徵也夫順也者義之基也睦也者義之輿也刑也者  
義之範也匪基爰以徵教我觀諸貞一之書至矣是  
故表之墓曰貞義以風天下之樹義者

岳績

岳守王君任氏以循良計偕北上屬邑湘尹尹君仲

儀徵言以贈內史氏曰台聞諸岳之為郡也南通百  
粵則丹垠縣眇西接兩川則灝壤廣邈其鎮則君山  
崒岫九疑在望其浸則洞庭汝浹九江孔殷其野則  
雲土延袤七澤攸滙茂蹟玄蹤遐哉述矣而乃今王  
事棘于上匪直羽毛齒革箇籛纏組之徵時則塹山  
湮谷星軺旁午列採木之官而轉輸者數矣君子以  
為難為上也民事憊于下匪直深林窮壑凋居崖壘  
之匱時則絕川竭淵雲帆蜩集列候津之吏而絡繹  
者夥矣君子以為難為下也君任氏發穎蠶鳧之雋  
出牧鼉蚪之國朝秉笏于郡堂則颶起鯨躍煙濤變

幻而肅介廉立之心油然而生矣晝乘軒于田野則嵐  
薰雉雉霏霾隱見而易直子諒之心油然而生矣夕鳴  
絃于齋閣則風清魚懸草樹陰森而虛明湛一之心  
油然而生矣是故肅介廉立存乎忠易直子諒存乎惠  
虛明湛一存乎真推是心也以施于有政鮮不正矣  
是故岳之為牧也王事雖孔棘而處之曠如上不至  
于病國民事雖甚憊而納之恬如下不至于病民君  
子以為秋毫皆君任力也台又聞諸王人者導利而  
布之上下者也上不病國國胥以裕可不謂忠乎下  
不病民民胥以寧可不謂惠乎昔者陶侃之守岳也  
羽檄紛至勤苦備嘗謂之曰忠可也厥後迭膺兵柄  
有督八州之任焉張說之守岳也壺觴肆咏膏澤覃  
敷謂之曰惠可也厥後存握政衡有燮九鼎之任焉  
且君任氏登甲科歷戶曹忤權貴不以為嫌履險艱  
不以為忌又可謂真乎茲焉述厥所職以入覲于  
廷外而監司覈其勞內而銓曹紀其最行將登陟崇  
階羽儀豐署不有如陶公張公之出秉麾鉞而入筦  
樞機者乎易有之王臣蹇蹇匪躬之故忠之謂也詩  
有之芄芄黍苗陰雨膏之惠之謂也禮有之長民者  
章志貞教真之謂也



大觀

歲癸巳內史氏于役于徽乃觀麓川子于彭澤時與之道匡廬入蘄陽訪赤壁瞰黃鵠以觀衡嶽洞庭之勝然而盡山水之文矣迨丙申內史氏奔太宜人喪乃招麓川子于休寧時與之眺金紫睨赤馬啣雷雨背靈應以觀僊雲鏡潭之勝然而盡山水之形矣暨丁酉內史氏遭先大夫憂乃復追麓川子于臨湘時與之泛黃龍經豐潭下丹塘徂羅湖以觀芙蓉長泉之勝然而盡山水之情矣麓川子携其三子炬焯煥來遊問內史氏炬曰何哉夫子所謂文者曰台聞諸

易山下有火賁風行水上渙以言乎其文也昔者軒帝躡具茨登大伾乃都涿鹿焉於是乎迎日推筴緯地經天以照臨萬國焉其文矣乎焯曰何哉夫子所謂形者曰台聞諸詩相其陰陽觀其流泉以言乎其形也昔者周公卜伊洛協澗瀍乃營洛邑焉於是乎體國經野奠方正位以適均四方焉其形矣乎煥曰何哉夫子所謂情者曰台聞諸語知者樂水仁者樂山以言乎其情也昔者孔子登東山小魯泰山小天

下廼求諸五父之衢而合葬于防及其者也門人弟子循徂徠濬沫泗雜植花卉錯陳文石以垂名萬世

馬其情矣乎三子未達請益內史氏喟然嘆曰天之  
道一陰一陽盡之矣地之道一剛一柔盡之矣人之  
道一死一生盡之矣是故觀化于陰陽而盡呈象效  
法之文觀變于剛柔而盡靜翕動闢之形觀物于死  
生而盡原始反終之情觀其文焉可以語道矣觀其  
形焉可以語器矣觀其情焉可以語神矣台聞麓川  
扈從

毅帝始遊涿鹿觀軒帝之都繼遊洛陽觀周公之蹟  
又既而遊孔林觀仲尼之玄宮文不在茲乎形不在  
茲乎情不在茲乎故曰仰以觀於天文俯以察於地  
理此吾儒事也若夫禍福利害拘泥禁忌則堪輿者  
流又不足以語文語形語情矣三子者其懋服斯訓  
以光于麓川

陸祠

陸文安公自宋紹熙二年辛亥守荆門郡肆  
今上龍飛大狩十有八年己亥改麗荆門于  
興都越六年甲辰改創祠宇為書院凡三百六十餘  
禩矣初侍御桂近菴公於公為同閑祗若  
明命巡視我楚登嶽浮湘滌江入荆延眺西寶諸峰  
留睨蒙惠諸泉踐象山故躅而嚮徃焉喟然嘆曰文

安不云乎江漢為疆沮漳在境南巨龜山西委玉泉  
炳靈效異其在茲矣而乃今石泐水鬱鬱為林莽基  
圯祠廢鞠為瓦礫非所以昭先範貽後軌也其若之  
何乃謂分守藩叅方侯遠宜曰子遙從篁墩于黃山  
七十二峰間其於文安道一之編誦之不可謂不久  
矣茲董厥役上物章程其胡可緩乃謂分巡臬憲柯  
侯喬曰子近從陽明于九華七十二峰間其於文安  
求放心之論傳之不可謂不習矣茲貞厥紀法守督  
率其胡可弛已乃謂承天郡牧沈侯瀚曰子讀中秘  
書以景從聖門七十二弟子後其於文安宇宙皆性  
分之說擇之不可謂不嚴矣茲落厥成闡幽顯微其  
胡可弗紀於是走俾之玄素洞告曰觀風象賢杜史  
氏職也載筆宣猷內史氏職也子夙居史局其紀諸  
道南曰小子何知焉嘗聞諸文安公云唐虞之際道  
在臯陶商周之際道在箕子是故我觀諸臯謨宣三  
德以浚明祗六德以亮采惇五典以樹教庸五禮以  
和衷撫五辰以凝績凡以敬有土而已我觀諸箕疇  
若五行以協紀敬五事以立政又三德以登俊念庶  
徵以稽疑歛五福以錫民凡以建有極而已其建有  
極也即其敬有土也其敬有土也即其無逸欲有邦

也其無逸欲有邦也即精一之心學也王之所受于  
帝帝之所受于皇皇之所受于天夫道一而已矣故  
曰四海有聖人出焉此心此理同也千古有聖人出  
焉此心此理同也道不在茲乎然而學弗本諸臯謨  
或失則荒罔以臻哲惠之極政弗本諸箕疇或失則  
雜罔以獲平康之休君子奚取焉竊稽諸宋史有以  
徵文安公之學之政之醇矣其始也金谿發祥宣教  
牖蒙物理晰矣鷺湖盍簪梭山矢音性真洩矣鹿洞  
專席考亭稱服學術著矣其既也閩甸發軔二邑悅  
孚績効彰矣洛廡秉鐸五事輪對忠憤據矣台山攝  
祠群疑剖析彛典修矣又其既而守荆門也雉堞據  
險腹脅鞏固廟筭禪矣龍潭禱零霖雨露渥王澤溥  
矣設講春堂絃誦沸騰邦化宣矣是故其懋學也知  
人安民蓋取諸臯謨其懋政也行範莫麗蓋取諸箕  
疇而其合政與學而一之也以先求諸心為主以先  
立乎大為教蓋取諸孔孟此文安公所為深觀道體  
敦崇理本粹乎無以議為也或者擇焉不精疑其荒  
于禪是弗察其儒釋之辯語焉不詳又疑其雜于老  
是未得乎易簡之旨而亦何以議為哉其在當時有  
若楊簡之述行實袁燾之闡文集孔熈丁端祖之定

謚議舒璘沈煥之輯緒餘而適駿有聲者則周益公也其在後世有若吳澂之敘語錄包恢之撰年譜袁甫洪邁之著像贊陳介李奎之續傳記而不協厥志者則陽明公也創祠以祀有若郭允滿之肇裡陰子淑之崇慈韓雍之祀于鄉閭鍾文俊之祀于宦邸孟統楊琇之祀于州治而樂觀厥成以發潛光者則今百山公也於是乎繫之以詞曰天生蒸民若有恒性惟后綏猷立極主靜堯舜授受心學肇傳臯謨彌諧箕疇允宣孔孟而後聖言幽眇匪靈弗瑩真知者少濂溪產楚二程從游文安崛起來自南州典郡茲土

荆門增重蒙山嵯峨惠泉瀕洞時正講席闡明道真易標義畫範錫禹文城戒覆隍巖險爰設誓清沙漠靖康恥雪堂開春令威福時陳弗霄瑛獨而畏高明即茲政績永貽南國甘棠勿伐并滌用惻貞哉柱史憑軾觀風選茲形勝二泉之東中丞協謨乃借藩臬郡侯鳩材允彰休烈龜山在南龍潭在西內史作銘永世有辭

雋祈

歲癸卯春三月望參知政事汪南雋壽屆七袞元配周宜人亦以是歲六月登六袞厥嗣子白子相子素

祈祝于玄素洞焉子曰璧也聞諸在宋有若文潞  
 公以甲午誕降有異徵焉已而留守洛京名動夷裔  
 而諸老富彥國王君貺輩咸躋大耋是故耆艾之福  
 庇及當世文正公之薦足徵也予翁生也晚而懸弧  
 履吉適與之符爰自射策甲科燕泉少宰訂厥交盟  
 筮仕戶曹九峰司徒覈厥政績乃今怡情雲壑餐商  
 芝以葆和寄興風謠紉楚蘭以纈秀視潞公洛陽之  
 會何如者史其永言史南曰休哉可以觀德矣書有  
 之天壽平格保艾有殷子相曰王也聞諸在漢有若  
 萬石君以中涓起家有隱德焉已而歸老茂陵風行

字旬而諸子郎中建內史慶輩咸惇太朴是故恭謹  
 之度植於天性太史公之紀足徵也予翁生也晚而  
 秉心禔身寔與之契爰自服采春官石潭宗伯推厥  
 醇雅陟叅藩垣陽明中丞享厥慎勤乃今杖履林臯  
 闡顏庭之家訓壺觴丘壑遵呂塾之鄉約視萬石牧  
 丘之誨何如者史其永言史南曰懋哉可以觀業矣  
 詩有之訐謨定命遠猶辰告子素曰瑩也聞諸在唐  
 有若柳河東公以拾遺典秩有令問焉已而筆諫宸  
 極勳流鼎彝而况元公姪仲郢輩咸昭母訓文忠公  
 之贊足徵也予翁生也晚而母氏安人維德之行爰

自榜山長公相為師友白泉中丞相與伯仲乃今携  
鎰山壠追德公之逸駕抱甕石畦踐孟光之芳躅視  
河東公華原之胄何如者史其永言史南曰行哉可  
以觀澤矣詩有之天錫公純嘏眉壽保魯三子請益  
史南曰以言乎保乂也者崇德以象乎乾也以言乎  
訖定也者廣業以濶乎坤也以言乎純嘏也者乂大  
以希乎賢者也是故山甫篤生則肇保于天申伯降  
嵩則鍾靈于地而洪範之康寧則本諸好德行蓄之  
忠厚則歸諸介福乃知乾崇其德德則可乂坤廣其  
業業則可大可乂可大澤潤無疆其所繇來者遠矣

又聞諸皇之世厥德渾渾符乾以凝化而壽無垠  
帝之世厥業灑灑體坤以敷政而壽罔既王之世厥  
澤濯濯保民以錫福而壽難老矧

聖神履極中和位育敦尚黎老延訪逸遺南雋翁克  
邁乃德匪直路公已也其將上希召公之稽謀自天  
爾乎克弘厥業匪直萬石君已也其將上希武公之  
交儆于國爾乎元配身其康強岡陵作朋諸子昌于  
而邦桂蘭並茂克繇厥澤匪直河東公已也其將上  
希僖公之思樂采藻爾乎易有之自天祐之吉无不  
利子白子相子素作而人曰是可以壽予二人也已

詩有之明發不寐有懷二人

蕭艾

鍾山翁壽登七袞元嗣勤齋君迎養于淦川或以告  
諸內史氏曰吾嘗歷覽於鍾山之峯矣鼎峯嶸嶸于  
其陽蒙峯龍從于其陰而夫虎瞰諸岫朝霏合而夕  
靄凝翁之取象于茲也舒嘯東臯與造化為伍興謠  
南壑與雲物為徒將如孫綽之賦天台而幽迴以耽  
勝如李愿之栖盤谷而優游以忘年已乎史南曰詩  
有三壽作朋如岡如陵其是之謂乎曰吾嘗遡洄  
於鍾山之川矣袁江決瀼于清渝潁江洑浹于綠陂

而夫鳳池諸水灝氣騰而榮光繞翁之怡情于茲也  
伐檀河干以素餐為恥濯纓溪曲以避世為榮將如  
傅玄之詠神泉而盥浴于素波如靈運之唵長谿而  
徜徉于石壁已乎史南曰詩有之如川之方至以莫  
不增其是之謂乎曰吾嘗習聞於鍾山之冑矣文終  
侯起于漢而望之為名臣貞陽侯顯于梁而履初為  
賢相而夫集賢諸裔簪纓續而圭組聯翁之紹休于  
茲也筮仕于通州不以秩卑而弗沮贊政于濟水不  
以事劇而匪懈將如岩夫之見稱于道輔如從義之  
受知于庭堅已乎史南曰詩有之樂只君子保艾爾



後其是之謂乎或者曰史氏三嘆者何也史南曰夫  
稱岡陵者言乎其靜也稱川至者言乎其動也稱保  
艾者言乎其德合動靜而一之也是故洪範五福本  
攸好德而沉潜剛克非靜而動者乎高明柔克非動  
而靜者乎平康正直非合動靜而一之以懋厥德者  
乎夫惟三德以立體而五事之徵於人也斯應之五  
紀以達用而五福之徵於天也斯應之於是乎入而  
壽家則身其康強子孫逢吉出而壽國則俊民用章  
庶休滋至上而壽君則叙疇建極祈天永命下而壽  
民則錫福協極道洽澤潤而大同之慶允臻矣台聞  
鍾山君抱朴以居匪鶉而衣葆真以守匪穀而食靜  
而無所於撓動而無所於兢而遵德以為經其有志  
於希仁而景知者乎乃元嗣勤齋君佩過庭之訓則  
慎動以察微衍傳家之澤則寧靜以致遠茲焉分符  
于楚發軔于咸仁以裨薄君子有所恃而為善智以  
燭隱小人有所畏而不為惡是故朞月而政行朞年  
而教行又朞年而化行監司嘉其績銓曹覈其賢黷  
士歌其風山氓霑其潤內而壽家外而壽國上而壽  
君下而壽民所以壽鍾山翁之名於不朽者永乎于  
休矣則夫山之靜而載乎坤也與地無疆川之動而

運乎乾也與天無極而君子之保艾爾後又有以合  
仁知而一之以垂裕無窮焉爾故曰天之所助者順  
人之所助者信履信思乎順是以尚賢也其是之謂  
乎

### 崇教

柱史澶淵史公祇命視楚綜覈名實獎率師儒為多  
士先時宜春秀巖陳君克懋厥績褒詞稱寂督學東  
澗應公樂觀厥成迺移檄所司用彰彛典文學同寅  
崇德胡君鳳陽沈君迺介諸生之玄素洞徵言史南  
曰予聞諸古之為教者德無常師協于一而已矣古

之為學者博而有要貞夫一而已矣是故虞庠肇啓  
后夔端胄子之規殷敷載弘傳說納王人之誨延至  
姬室大備矩儀師氏居虎闈以稽德樂正司鷺靡以  
考藝鄉塾術序莫匪息游王宮國都咸升造選教者  
之所以教與學者之所以學雖氣標英粹質負明強  
其成功一也三代以還吾于漢繹傳經之緒焉鄒魯  
諸家紛置鉛槧然而康成則潛心墳典其疏釋六籍  
足徵也嗣茲而有述者其文正之學統諸言矣乎吾  
于唐紀載道之文焉燕許諸公胥競靡麗而夫昌黎  
則釐正體裁其振起八代足徵也嗣茲而有作者其

文忠之唐書諸史矣乎吾于宋嘉樹學之訓焉關閩  
諸儒咸設章程而夫文定則根切理要其治事列齋  
足徵也嗣茲而有建者其文公之鹿洞諸規矣乎夫  
傳經以載道合皇帝王而一之載道以樹學合天地  
人而一之雖言人人殊其究一而已矣秀巖始而鍾  
靈表江則有志于文正之學既而贛迪貴池則有志  
于文忠之文茲焉秉鐸尊川則有志于文公之教而  
敏求以趨夫一者也吾猶以為楚自周元公悟道月  
岩講學濂溪表圖以發天地人協一之蘊著書以紹  
皇帝王貞一之統明道伊川授受于黃陂南軒西山  
嗣續于嶽麓而文公寔統會之諸誦習遺言者誠使  
滌委而必窮其源翹枝而必培其根罔飾虛二措諸  
實用如文正之於康成文忠之於昌黎文公之於文  
定而後可不然則教者之所教與學者之所學果能  
如元公之合一已爾乎今  
天子肇裡道統帝王于 文華殿室而又渙頒敬一  
諸箴于海甸學宮明作有功惇大成裕以光輔大一  
統之業此其時也詩有之載色載笑匪怒伊教請以  
是為秀巖君慶

三三三

三三三

三三三



Vertical columns of faint, illegible text on the right page, partially obscured by the ink blot.

The left page is mostly blank with some faint, illegible markings and discoloration.

